



Beiteplanlegging i utmark

Forfatter

Yngve Rekdal, Norsk institutt for skog og landskap

Sammendrag

Beiting i utmark er den mest arealkrevjande næringa vi har i landbruket. I 2009 vart over 30% av landet bruka av 894 beitelag. Desse organiserte 78% av sauken og 29% av storfeet som beita i utmark. Skogbruket kan kanskje konkurrere med tanke på arealkrav, men medan det går 60-80 år mellom kvar gong skogen blir hogd, så haustar beitenæringa areala kvart år. Samla verdi av hausta beite er vel 1 milliard kroner per år.

Publisert

2011

Referanse

Sau og Geit 2/2011

Utskriftsdato

26.04.2024 www.fag.nsg.no

Beiteplanlegging i utmark

Beiting i utmark er den mest arealkrevjande næringa vi har i landbruks. I 2009 vart over 30% av landet bruka av 894 beitelag. Desse organiserte 78% av sauene og 29% av storfeet som beita i utmark.

Skogbruket kan kanskje konkurrere med tanke på arealkrav, men medan det går 60-80 år mellom kvar gong skogen blir hogd, så haustar beitenæringa areala kvart år. Samla verdi av hausta beite er vel 1 milliard kroner per år.

Må engasjera seg i offentlege planprosessar

Beitenæringa er avhengig av tilgang til store areal. Næringsa må derfor vera til stades i offentlege planprosessar og

plandokument der arealbruk blir omhandla. Arealplanlegging handlar mykje om avvegning av ulike interesser for størst muleg samla nytte av arealbruken. Det er mange brukarinteresser i utmarka. Skal næringa halde posisjonen sin her er det viktig å vera synleg. Synleggjering oppnår ein ved dokumentasjon av interesser, aktiv deltaking i planprosessar og ved å drive arealbruk ut frå god kunnskap om kva som er god naturforvaltning på lang sikt.

Beiteplanlegging er også viktig

For næringa er det også viktig å drive beiteplanlegging for å få mest muleg ut av utmarksbruken i form av kjøt, mjølk og ull. Også kulturlandskap er eit viktig produkt frå landbruksområdet som storsamfunnet set som vilkår for å halde fram med overføringer. Effektiv

produksjon av kulturlandskap krev at rett tiltak blir sett i gang på rett areal.

Det vil vera behov for beiteplanlegging på tre nivå; fylke, kommune og beitelag.

Fylke

Fylket er det vi kan kalle det geografiske handlingsrommet for beite næringa på grunn av at det er vanskeleg å få flytte dyr over fylkesgrenser. Mykje økonomiske middel blir fordelt på fylkesnivå gjennom ulike program som RMP (Regionalt miljøprogram) og SMIL (Spesielle miljøtiltak i landbruksområdet). Rovdyrpolutikk følgjer mykje fylkesgrenser, og strategiar med omsyn til sjukdom blir utforma på fylkesnivå.

Planer på fylkesnivå bør innehalde:

- Status for næringa med oversikt



Beitenæringa må hevde rett til dei beste beiteareala. Det er nok av «skrapareal» i norsk utmark til å byggje hytter på. Fotoet viser hytter i beste beitemarka på Kvamsfjellet i Nord-Fron.

- over organisering i beitelag, dyretal, beitetrykk og kvar dyra høyrer heime.
- Oversikt over konflikter med andre arealbruksarar, rovdysritasjoner og sjukdomsproblem.
- Gróv oversikt over ressurspotensialet.

Kommune

Det er gjennom dei kommunale planprosessane at mykje av arealbruken i norsk utmark blir avgjort. Her må derfor beitenæringa vera til stades. Det er ikkje store verdiar per dekar som næringa haustar kvart år, derfor er det vanskeleg å hevde næringa sine interesser i høve til andre arealbruksarar når det handlar om kanskje 1 mill. kroner i tomtepris per dekar. Når det blir fremma utbyggingsplaner frå utbyggjar, er det derfor ofte allereie for seint. Derfor må næringa vera på forsøk med dokumentasjon av eigne arealinteresser.

Ein communal beitebruksplan bør innehalde:

- Oversikt over beitebruken i området, før og no
- Organisering av beitelag
- Verdien/nytten av beitebruken (verdi av hausta fôr, arbeidsplasser, kulturlandskap m.m.)
- Tiltaksplan.

Arbeidet med ein slik plan bør idéelt sett starta som resultat av eit kommunalt vedtak. Som oftast skjer det etter påtrykk frå beitenæringa. Det mest vanlege er at arbeidet med planen blir gjennomført av ei gruppe beståande av næringsinteresser og med kommunen som sekretariat. Planforslaget bør til slutt leggast fram for kommunestyret for endeleg behandling. Mange kommunar med eit visst omfang av husdyrhald og beitedyr i utmark, har etter kvart fått på plass ein beitebruksplan. Omfang og status på planen er noko ulik, men dei fleste har valt å gje den status som kommunedelplan. Derved blir den med som ein del av kommuneplanen, noko som er av stor betydning for den framtidige bruken av planen.

Bruken og dermed nytten av ein beitebruksplan i ein kommune vil variere med ulike tilhøve, så som haldning hos politikarar og administrasjon i kommunen og engasjement/oppfølging frå beitenæringa si side.

Planen vil kunne vera av stor verdi med omsyn til utnyttinga av beiteressursane i utmarka framover og for velferden til husdyra i beitesesongen. På same tid vil ein gjennom betre planlegging av og informasjon om beitebruken kunne bidra til ei betre samla utnytting av utmarksressursane og redusere konfliktene mellom ulike brukargrupper. Erfaringar frå kommunar med beitebruksplan, er at dette er eit svært nyttig styringsredskap til felles beste for alle involverte partar når det blir teke i bruk. Det har vist seg at det ofte tek noko tid før så skjer. Næringsa har sjølv eit ansvar for oppfølging på dette punktet.

Beitelag

Det kan sjå ut som om beitenæring i framtida i større grad vil foregå i organiserte felleshamner der tilhøva blir lagt til rette for beitenæring. Planlegging i regi av beitelaget kan vera eit godt tiltak for å få mest muleg ut av beitebruken. Styrande myndigheter sett stor pris på dokumentasjon som viser at beitebruken er planlagt. Det er mykje lettare å få ut middel til spesielle tiltak når ein har overordna planar å vise til.

Det er viktig å planlegge beitebruken for å få tilpassa dyretal og eventuelt dyreslag som er optimalt i høve til kjøtproduksjon og som på same tid gjev høgt nok beitetrykk til å ta vare på kvalitetane i beitet. Jamn fordeling av beitedyra er viktig. Salteplassar kan styre mykje av beitebruken. Ulike delar av beitet kan ha ulik funksjon til ulike tider i sesongen – vårbeite, sommarbeite og haustbeite. Dette må ein ta omsyn til for å få ei god utnytting av beitet.

Utmarksbeite blir ofte kalla ein gratisressurs. Det er ein påstand med etterhald. Mange investeringar kan vera naudsynte for å gjera bruken av utmarksbeite rasjonell samt å redusere risikoen for skade på og tap av dyr. Her kan nemnast gjeterhytter, bruer, samlekveer og ikkje minst sperregjerde. Mangelfullt vedlikehald av gjerder mot utmark er eit av dei største problema i

Beitebruk i utmark 2009



Samla areal bruka av beitelag i 2009.

samband med beiting i utmark i dag. Sperregjerde kan områdevise vera ei løsing for å halde dyra i riktig område. Gjerde er ei stor investering, og ein må derfor legge vekt på å finne gode traséar med tanke på oppsett og vedlikehald.

Eit beite må skjøttast skal ein behalde planteproduksjonen og grasrikdomen som tidlegare tiders hardare utmarkshausting har gjeve. Tilstrekkeleg høgt beitetrykk er viktig. Det er oftast nødvendig også med manuelle skjøtselstiltak som til dømes tynning av skog. Dette er kostbare tiltak og må setta inn på dei areal der ein får mest att for innsatsen.

Opprettning av nye beitelag byr på store utfordringar med omsyn til organisering. Her må det avklaraast og gjerast klare avtalar med omsyn til bruks- og eigedomsrettar. Arealkonflikter i høve til andre arealbruksarar må òg identifiserast. Også innafor beitenæringa kan det vera ulike interesser t.d. mellom sau, mjølkeproduksjon frå setrar, ammekyr osv. Kunnskap om ressursgrunnlaget er viktig på beitelagsnivå både for berekning av dyretal og planlegging av beitebruksplan. Der investeringar skal gjerast, er det viktig å avklare om området har ressursar som forsvarar dette.

Tekst og foto: Yngve Rekdal og Erling Skurdal